

# INUIT ATAQATIGIIT

## Inatsisartuni



UKA 2018/226  
07.11.18  
Múte Bourup Egede

**Naalackersuisut suliffeqarfittut innuttaasunik tapersersortarialinnik suliffissaqartitsisunik nalunaarsugaasut pillugit inatsisissatut siunnersuummik kingusinnerpaamik UKA2019-mi saqqummeeqqullugit Inatsisartut aalajangiiffisassaattut siunnersuut.**

**(Inatsisartunut ilaasortaq Peter Olsen, Inuit Ataqatigiit)**

Nunarput siunissamut pissanganartumut ingerlaarpoq. Kiffaanngissuseqarnerup toqqammavia nammineq suliarissavarput, inuttut ataasiakkaatut inuiaqatigiittullu akisussaaqatigiinnitsigut. Akisussaaftimmik tigusineq inuiaqatigiinnilu naligiissitsineq tamanut tunngavoq. Siunissaq kiffaanngissuseqarfiusooq, inuup nammineq immikkoortitaanani ajattugaannginnissaanut tunngavoq. Siunissaq neriuuteqarfiulluortoq, tamatsinnut inissaqartitsisoq, inuttut ataasiakkaatut inuiaqatigiittullu kivitseqataarusunnermik peqalersitsisoq ataatsimoorfiginiartigu.

Qanorluunniit inuttut atugaqaralarutta kiffaanngissuseqarneq, naleqartinneqarneq, akuerisaasutut peqataatinneqartutullu misigisimanissaq pisariaqartut ilagivaat. Inuianguuvugut amerlasoorsuunngikkaluarluta assigiinngisitaartut taamallu innerput nukittoqqutitut isigisariaqarparput, nunamimi maani tamatta atorfissaqartinneqarpugut.

Nunatsinni inuit innarluutillit, innuttaaqatigullu soorlu suliffissaaleqisut arlaatigulluunniit nalaataqarsimanertik aallavigalugu imaaliallaannaq tamakkiisumik sulilersinnaanngitsut inuiaqatigiinni peqataalersissallugit peqataasutullu misigitissallugit pisussaafeqarpugut. Taakkumi ilittut uattullu naleqartigaat, peqataarususeqarpullumi tamatsitut sapinngisannguartik tamaat atorlugu inuiaqatigiinnut tunniussa qarusuttarlutik peqataarusuttarlutillu.

Inuit Ataqatigiit siunnersuuteqartoq, Inatsisartunut ilaasortaq Peter Olsen qutsavgiumavaat oqaluserisassamik soqutiginarluinnartumik qaqitaqarmat. Siunnersuummimi inuiaqatigiinni isumassortariaqartortatta sulinerup silarsuaani inissaqartinneqarlutik piginnaasaallu atorluarneqarlutik peqataanerulersinneqarnissaannut toqqammavissinneqartoq tamakkiisumik tapersersoratsigu.

Siunnersuuteqartup saqqummiussami tunngavilersuutaani ilaatigut tikippaa nunatsinni inuussutissarsiortorpassuit uani apeqqummi kivitseqataarusussuseqarnermik uuma ukiup aallartilaarnerani takutissimagaat. Inuit Ataqatigiit nuannaarutigarpur inuussutissarsiortortatta nunatsinni kivitseqataarusussuseqarnermik takutitsisarnerat. Neriuutigarpullu taamak anguniagaqarneq aamma politikikkut uummammioralugu sulineq ingerlatissagippur.

Taamak naatsumik oqaaseqarluta siunnersuut ataatsimiitsitaliamut susassaqtumut ingerlateqqippurur. Ataatsimiitsitaliallu sulinermini uani sammisami susassaqtut akuutissagaat kissaatigalutigur.